

Urso in Sarracenos sæliciter pugnatum tradidit. Rursus & adversus Narentanos, qui rupto sædere aliquot maritima Histriæ oppida sæda populatione vastavit, triginta navium classe prospere dimicavit. Sed cur pro Histris sint sumpta arma, quum nondum in Venetorum fidem venissent, auctores quos sequimur non tradunt: credibile est, secundum Histriam illos cœpisse, & Venetos fines infestare. Cum Petro Gradenfi Antistite tantisper Ursus similitudinem exercuit, quoad Dominicum Caloprimum, qui Torcellanus Antistes fuerat designatus, probasset, quum hominem alioquin sibi invisum non esset probaturus. Quietis itaque civitatis statu, quum foris quoque Respublica ex sententia esset administrata, Dux auctorem se præbuit iis, qui ad Ducum ministeria erant ascripti, quique postea Excusati principum dicti sunt, ut in ea parte urbis, quod Durum dorsum ab initio dixere, domicilia sibi ædificarent: atque ita cœptus est locus inhabitari, qui antea maritimarum incursionum metu fuerat desertus. Hujus quoque Principis sælicitate veteres discordiæ, quæ inter Venetos & Carnos, suo utrorumque in Aquilejensem Gradensemque Ecclesiam studio, ortæ fuerant, Vulperto Aquilejensi Antistite pollicente se non amplius Gradensem Ecclesiam infestaturum, omnino cessare. Ad hos successus illud accessit, quod re prospere adversus Sarracenos gesta, Ursus a Basilii Imperatoris apochrisariis *Protospatarius* est creatus. Sed ut gratitudine cum Basilio certare videretur, duodecim campanas magni ponderis illi Byzantium dono misit: atque ita evenisse ferunt, ut Græci Venetorum munere tum primum campanarum æs habere cœperint. Sic omnia domi forisque Ursus consecutus, quæ ad vitæ ornamentum attinebant, anno initi principatus decimo septimo obiit.

Urso autem morte Joannes ejus filius Rempublicam administrare cœpit. Is Badoarium fratrem ad Joannem Pontificem mittere constituit, ut Comacini dominium illo auctore, Veneto nomini vendicaret. Ob id crediderim rem a Veneto motam, quia intra antiquæ Venetiæ fines is locus esset. Horum consilia, quum Marinus Comacini Comes cognovisset, Venetum Romam proficiscentem in

Raven-

868

874

*Quaratione
Durum dorsum
cœptum
sit habitari.*

881

*Urso succedit
Joannes filius.*